



Møteprotokoll

Utvalg: Nasjonalparkstyret for Reinheimen

Møtested: Åndalsnes

Dato: 11.06.2026

Tidspunkt: 09:00 – 12.00

Følgende faste medlemmer møtte:

Navn	Funksjon	Representerer
Inger Line Flydal	Medlem	Reinheimen-Breheimen villreinutval
Hans Kristian Enge	Medlem	Innlandet fylkeskommune
Morten Kielland	Medlem	Skjåk kommune
Terese Jemtegård Moen	Leder	Fjord kommune
Kari Flækøy Skjåkødegård	Medlem	Vågå kommune

Følgende medlemmer hadde meldt forfall:

Navn	Funksjon	Representerer
Mariann Skotte	Nestleder	Lesja kommune
Kristian Frisvold	Medlem	Lom kommune
Jan Peter Valde	Medlem	Rauma kommune
Dordi Boksasp Lerum	Medlem	Møre og Romsdal fylkeskommune

Følgende varamedlemmer møtte:

Navn	Møtte for	Representerer
Ragnhild Sjurgard		Lom kommune

Merknader:

Ragnhild Sjurgard møtte som vara for Kristian Frisvol. Vara for Mariann Skotte, Audun Holsbrekken og vara for Jan Peter Valde, Yvonne Vold meldte frafall, men Yvonne Vold deltok på møte om forvaltningsplanen 10.juni.

Hans Kristian Enge deltok ikke på styresamlinga men deltok på styremøtet via teams.

Bente Fossum deltok som vara for Hans Kristian Enge på samlinga 10. juni.

Dordi Boksasp Lerum deltok på samlinga, men var kun med på fyste del av styremøtet via teams.

Etter styremøte ble det gjennomført synfaring på ny natursti ved Trollstigfoten.

Øvrige frammøtte:

Navn	
Kristine Sørli	Nasjonalparkforvaltar
Mari Melbø Rødstøl	Nasjonalparkforvaltar

Underskrift:

Vi bekrefter med underskriftene våre at det som er ført på de sidene vi har signert i møteboka, er i samsvar med det som ble vedtatt på møtet.

Terese Jemtegård Moen

Hans Kristian Enge

Saksliste

Utvalgs-saksnr	Innhold	Lukket	Arkiv-saksnr
ST 23/2026	Godkjenning av protokoll og innkalling - Val av ein representant til å skrive under protokoll saman med styreleiar		
ST 24/2026	Orienteringar		
ST 25/2026	Referatsaker		
	Referat – møte om bygningar ved Tordsvatnet		2026/4358
	Rapport 2026 - Reinheimen NP - Ottadalen LVO - Finndalen LVO - Lordalen LVO - motorferdsel - 2026 - 2029 - helikopter - snøskuter - fangst og radiomerking av jerv - Norsk institutt for naturforskning NINA		2025/10780
ST 26/2026	Delegerte saker		
DS 42/2026	Delegert sak - Reinheimen NP - bruk av drone og kløvhest - 2026 - 2028 - innsamling av brearkeologiske funn - Innlandet fylkeskommune		2026/5441
DS 43/2026	Delegert sak - dispensasjon - Reinheimen NP - Skjåk - Lom - Leirungsvatnet - motorferdsel - 2026 - 2030 - motorbåt - Geir Tommy Keiseraas		2026/3276
DS 44/2026	Delegert sak - dispensasjon - Reinheimen NP - Skjåk - Lom - Torsvatnet - Leirungsvatnet - motorferdsel - 2026 - 2030 - motorbåt - Ove Jon Plassen		2026/3672
DS 45/2026	Delegert sak - Finndalen LVO - dispensasjon - 2026 - uttak av lausmasser i Lauva sitt utløp i Finna - vegvedlikehald - Finndalsvegen SA		2026/6547
DS 46/2026	Delegert sak - Romsdalen LVO - Rauma - Tunga - motorferdsel - 2026 - bil - frakt av bruelement - DNT Sunnmøre		2026/6256
DS 47/2026	Delegert sak - Tafjorden-Reindalen LVO - Muldalslia NR - Tafjordsætra - motorferdsel - 2026 - ATV - el-sykkel - Britt Walle		2026/5184
DS 48/2026	Delegert sak - Reinheimen NP - Torsvatnet - Leirungsvatnet - motorferdsel - 2026 - 2030 - motorbåt - garnfiske - Odd Jostein Bøhle		2026/5186
ST 27/2026	Reinheimen NP - Ottadalen LVO -dispensasjon - 2026 - 2029 - utsetting av fisk - Skjåk Almenning		2026/6337
ST 28/2026	Reinheimen NP - Rauma 83/15 - Hånådalen - byggetiltak - 2026 - ny pipe - solcelle - mindre fasadeendring - Olov Belander - Cathrine Reimers		2026/5886
ST 29/2026	Reinheimen NP - Tafjorden Reindalen lvo - Romsdalen lvo - motorisert ferdsl - helikopter - 2026 - DNT Sunnmøre		2026/6383

ST 30/2026	Vermedalen NR - dispensasjon - 2026 - rydding av sti - Andrine Kylling	2025/13583
ST 31/2026	Ottadalen LVO - Lom - Søre Lia - 2026 - taksering av rype - Lom fjellstyre	2026/6578
ST 32/2026	Høyringsinnspel - Fjord - Fetegga pumpestasjon - Tafjordvassdraget - Tafjord Kraftproduksjon AS	2026/6388

ST 23/2026 Godkjenning av protokoll og innkalling - Val av ein representant til å skrive under protokoll saman med styreleiar

Saksprotokoll i Nasjonalparkstyret for Reinheimen - 11.06.2026

Vedtak

Ingen merknader til innkalling. Han Kristian Enge vart vald til å signere protokollen saman med styreleiar.

ST 24/2026 Orienteringar

Saksprotokoll i Nasjonalparkstyret for Reinheimen - 11.06.2026

Vedtak

Styreleiaren orienterte om møtet med Skråvengen grunneigarlag, der ho deltok saman med ordførar frå Lom og ordførar og varaordførar frå Vågå. Kommunane skal i etterkant av møtet ta kontakt med Statskog for å avklare rettar og eventuell hevd knytt til uttak av grus i Finna. Ho opplyste at Skråvingane var nøgde med å få etablert dialog.

Styreleiaren orienterte vidare om eit informasjonsmøte ho hadde delteke på om merkeprosjektet for jerv i Reinheimen og Breheimen.

Forvaltaren orienterte om vidare oppfølging av brevet frå Øvstestølen seterlag, vedkomande garasje. Jurist hos Statsforvaltaren har tilrådd at det blir sendt eit brev der det blir gjort greie for at klagefristen er ute, og at saka som gjeld garasjen er eit privatrettsleg forhold mellom partane og fylkeskommunen, og ikkje ei sak for nasjonalparkstyret. I samband med orienteringa vart det stadfesta frå forvaltarane at det i samband med vedtaket som vart tilsendt Øvstestølen seterlag etter behandling i sak 30/2024 ikkje gjorde greie for klagefrist/klageadgang. Dette er såleis saksbehandlingsfeil, og styret ber forvaltarane ta kontakt med Øvstestølen seterlag og be dei sende inn formell klage på vedtak i sak 30/2024. Ei eventuell klagesak skal behandlast på neste styremøte 23.09.2026.

Forvaltar orienterte om rapport frå NINA om at dei ikkje har nytta sitt køyreløyve i Reinheimen nasjonalpark da det ikkje ble funne jerv for radiomerking i Reinheimen området.

ST 25/2026 Referatsaker

Saksprotokoll i Nasjonalparkstyret for Reinheimen - 11.06.2026

Vedtak

Referatsaker vart teke til orientering.

ST 26/2026 Delegerte saker

Saksprotokoll i Nasjonalparkstyret for Reinheimen - 11.06.2026

Vedtak

Delegerte saker vart teke til orientering

ST 27/2026 Reinheimen NP - Ottadalen LVO -dispensasjon - 2026 - 2029 - utsetting av fisk - Skjåk Almenning

Saksprotokoll i Nasjonalparkstyret for Reinheimen - 11.06.2026

Behandling

Samrøystes som innstillinga.

Vedtak

Med heimel i verneforskrift for Reinheimen nasjonalpark § 3, pkt. 3.3, a), og Ottadalen landskapsvernområde § 3, 3.1., får Skjåk Almenning dispensasjon til å sette ut fisk, aure frå A/S Vågåfisk, i fiskevatn der det er gjort tidlegare, jf. vedlegg 7 i forvaltningsplan.

Dispensasjon er gjort med følgjande vilkår:

- Fiskeutsetting gjeld for 5 år, f.o.m. 2026 t.o.m. 2030.
- Skjåk Almenning skal følgje instruksar og vilkår for fiskeutsetjing, gjeve av fylkesmannen i Oppland 14.05.2003. (tidlegare ansvarleg for forvaltning av innlandsfisk).

- Nasjonalparkstyret for Reinheimen skal ha tilsendt ein årleg rapport om fiskeutsettinga innan 31.desember kvart år.

ST 28/2026 Reinheimen NP - Rauma 83/15 - Hånådalen - byggetiltak - 2026 - ny pipe - solcelle - mindre fasadeendring - Olov Belander - Cathrine Reimers

Saksprotokoll i Nasjonalparkstyret for Reinheimen - 11.06.2026

Behandling

Morten Kielland framsette forslag om å endre kulepunkt 5 til:

Ved eventuell utskifting av eksisterande solcellepanel kan nytt solcellepanel monterast.

Innstillinga med Morten Kiellands forslag til endring i kulepunkt 5 vart samrøystes vedtatt.

Vedtak

Med heimel i naturmangfaldlova § 48 får Olov Belander og Cathrine Reimers dispensasjon til mindre fasadeendring på si private hytte med gnr/bnr 83/15 i Hånådalen i Reinheimen nasjonalpark.

Dispensasjonen er gjeve med følgjande vilkår:

- Eksisterande pipe kan rivast og erstattast med ny pipe.
- Storleik og gjennomføring av pipeskifte skal vere som skildra i saksutgreiinga.
- Arbeidet skal avgrensast til eksisterande bygningskropp og ikkje medføre inngrep eller forsøpling i terreng eller vegetasjon.
- Eksisterande solcelleanlegg som allereie er montert på taket kan behaldast.
- Ved eventuell utskifting av eksisterande solcellepanel kan nytt solcellepanel monterast.
- Tiltaket inkludert opprydding skal være gjennomført innan 31.12 2027.

Det blir gjort merksam på at SNO vil kunne kontrollere at tiltaket er gjennomført i trå med vedtaket.

ST 29/2026 Reinheimen NP - Tafjorden Reindalen Ivo - Romsdalen Ivo - motorisert ferdsel - helikopter - 2026 - DNT Sunnmøre

Saksprotokoll i Nasjonalparkstyret for Reinheimen - 11.06.2026

Behandling

Morten Kielland la fram forslag om å endre kulepunkt 2 i vilkåra til 10 helikopterturar. Ved røysting var det berre Morten Kielland som stemte for endringsforslaget.

Nasjonalparkstyret foreslo å gje DNT Sunnmøre eit signal om å styre hyttene på ein måte som reduserer den motoriserte ferdselen i verneområdet.

Hans Kristian Enge foreslo eit ekstra vilkår:

- *Rapporten om helikopterflyginga skal innehalde opplysningar om tal kilo per hiv, samt kva type og mengd varer eller brensel som er transportert.*

Innstillinga til forvaltar med Hans Kristian Enge sitt forslag om eit ekstra vilkår, vart samrøystes vedtatt.

Vedtak

Helikopter

Med heimel i verneforskrift for Romsdalen LVO § 3, pkt.5.3, b) og Reinheimen NP § 3, pkt.6.3, b), får DNT Sunnmøre dispensasjon til nødvendig varetransport i 2026 med helikopter.

Dispensasjon er gjeve med følgjande vilkår:

- Dispensasjonen gjeld transport til hyttene Vakkerstøyle, Pyttbua og Tjønnebu i Reinheimen nasjonalpark.
- Det kan gjennomførast inntil 20 flygingar med landing etter 25. juni.
- Transporten skal avgrensast til det som er nødvendig for drift av hyttene og ved å nytte kortast mogleg trase: Flygetrase: Horgheimsætra/Tunga til Pyttbua og Vakkerstøyle. Valldalen via Grønningsæter til Tjønnebu.
- Dispensasjon for helikopter gjeld under hovudtransporten juni/juli etter 25. juni, og om nødvendig ved supplering i løpet av sommarsesongen.
- Statens naturoppsyn (tlf: 915 47 617), skal varslast på SMS dagen før køyring. Om det blir opplyst om villrein i traseen skal flyginga utsettast.
- Søkjar skal sørge for at piloten har fått ein kopi av dispensasjonen. Utfylt køyrebok og dispensasjon skal vera med på turen.
- Søkjar skal sende inn køyrerapport til nasjonalparkforvaltninga innan 31.12 2026.
- Rapporten om helikopterflyginga skal innehalde opplysningar om tal kilo per hiv, samt kva type og mengd varer eller bensel som er transportert.

Bil

Med heimel i verneforskrift for Romsdalen landskapsvernområde § 3 pkt. 5.3, d) får DNT Sunnmøre løyve til motorisert ferdsel med bil på veg frå parkeringsplassen ved Tunga til Ulvådalsvatnet, for nødvendig transport av båt, materialer og utstyr til Vakkerstølen.

Dispensasjonen er gjeve med følgjande vilkår:

- Dispensasjonen gjeld for 2 turar for 2026.
- Utfylt køyrebok og dispensasjon skal vera med på turen og skal visast i frontruta når bilen står parkert.
- Ved vatnet kan ein berre stå parkert i 3 dagar i samband med køyring av utstyr til båt.
- Utfylt køyrerapport skal sendast nasjonalparkforvaltninga innan 31.12.

Motorbåt

Med heimel i verneforskrifta for Reinheimen nasjonalpark, § 3, pkt. 6.3, bokstav f), får DNT Sunnmøre dispensasjon til å bruke motorbåt på Ulvådalsvatnet i Reinheimen nasjonalpark i samband med transport av varer og materiell til hytta si.

Dispensasjon er gjeve med følgjande vilkår:

- Dispensasjonen gjeld for inntil 4 turar med båt for 2026 for transport av varer og utstyr til hytta.
- Motorstyrka skal ikkje overstige 10 hk.
- Løyvet skal tas med på turen.
- Det skal visast særleg stor aktsemd for fuglelivet, spesielt våtmarksfugl, for å unngå at fuglar vert skada og fortyrra. Dersom det er «bifangst» av dykkender i forbindelse med garnfiske, skal det rapporterast til nasjonalparkforvaltar, på e-post.

Vi oppmodar til bruk av lydlaus el-motor.

Køyringa skal skje skånsamt av omsyn til dyreliv, naturmiljø og friluftsliv. Ta spesielt omsyn til villrein og rovfugl.

Vi gjer merksam på at det må innhentast eventuelle nødvendige løyve til motorferdsel frå kommunen og grunneigar, jf. «Lov om motorferdsel i utmark» og lokal forskrift.

ST 30/2026 Vermedalen NR - dispensasjon - 2026 - rydding av sti - Andrine Kylling

Saksprotokoll i Nasjonalparkstyret for Reinheimen - 11.06.2026

Behandling

Samrøystes som innstillinga.

Vedtak

Med heimel i verneforskrift for Vermedalen naturreservat får Andrine Kylling og Dag Furberg Fjeld dispensasjon til å rydde stien som går frå nordsida av inntakstdammen til verma kraftverk og langs den gamle traktorvegen som går nordvest.

Dispensasjonen er gjeve med følgjande vilkår:

- Det skal berre ryddast ei smal gate på inntil 1,5 meter langs opphavleg trasé.
- Det skal berre ryddast små lauvtre og gran.
- Større tre og eldre furuskog eller daude trær skal ikkje flyttast eller hoggast.
- Ved bruk av motorsag til rydding skal ikkje denne nyttast før i august månad av omsyn til hekkande fuglar.
- Restar frå ryddinga skal leggst spreidd langs stien. Det skal ryddast slik at det ser naturleg og urøyr ut etter ryddinga.
- Tiltaket skal ikkje medføre terrenginngrep eller utbetring av stien utover enkel rydding.

ST 31/2026 Ottadalen LVO - Lom - Søre Lia - 2026 - taksering av rype - Lom fjellstyre

Saksprotokoll i Nasjonalparkstyret for Reinheimen - 11.06.2026

Behandling

Samrøystes som innstillinga.

Vedtak

Med heimel i naturmangfaldlova § 48 får Lom fjellstyre dispensasjon til å taksere lirype innafor Ottadalen landskapsvernområde.

Dispensasjon til lirypetaksering innafor verneområda er gjeve med følgjande vilkår:

- Takseringa kan gjennomførast i løpet av ein til to dagar i perioda 01.08 - 20.08.2026.
- Hundeeigarane som deltek, må dokumentere at hundane som blir brukt under takseringa har aversjonsdressur for sau, og godkjent kurs i taksering for bruk av «*Distance sampling*.»
- Det kan ikkje slippast meir enn 2 hundar om gongen langs kvar takseringsline.

- Kvar hund skal følgjast opp av ein hundeførar under takseringa.
- Hundeførar skal handtere/føre hunden så den ikkje er til unødig sjenanse eller skade for vilt, bufe og anna dyreliv. Takseringa skal ikkje gjennomførast dersom det er stor tettleik av bufe eller vilt i området.
- Dispensasjon gjeld berre for takseringslinjer i det omsøkte område, jf. markering på kart i søknaden.
- Dei som organiserer takseringa må kontakte SNO-Reinheimen på sms v/, Per Olav Haugen (tlf: 970 57 213) eller Thomas Rødstøl (tlf.: 915 47 617), i forkant av takseringa, for å skaffe informasjon om villreinen. Dersom det er villrein i området, eller på synleg avstand skal takseringa avbrytas.
- Rapport om resultatet av takseringa skal sendast til nasjonalparkstyret for Reinheimen etter gjennomført taksering, på e-post: sfinpost@statsforvalteren.no

ST 32/2026 Høyringsinnspel - Fjord - Fetegga pumpestasjon - Tafjordvassdraget - Tafjord Kraftproduksjon AS

Saksprotokoll i Nasjonalparkstyret for Reinheimen - 11.06.2026

Behandling

Samrøystes som innstillinga.

Vedtak

Med heimel i § 49 i naturmangfaldlova vil Nasjonalparkstyret for Reinheimen kome med følgjande innspel til søknad om Fetegga pumpestasjon som ligg i Reinheimen – Breheimen villreinområde:

Nasjonalparkstyret for Reinheimen ber NVE vurdere om opplysningane i søknaden med vedlegg frå Tafjord Kraft AS er tilstrekkelege når det gjeld påverknad på villrein.

Villrein har ein svært godt utvikla luktesans og kan oppdage menneske og forstyrningar på fleire kilometers avstand, ofte opptil 2–3 km under gunstige vêr- og vindforhold. Anlegget ligg, jf. Naturbase, i område definert som sommar- og haustbeite for villrein, og berre om lag 1 km sør for planlagt anlegg går grensa for kalvingsområde.

I søknaden til Tafjord Kraft står det at *Villreinstammen i Reinheimen er robust, har aner tilbake til tamreindrift som vart avvikla på -60 talet og kan opptre ganske nær folk*, og så vises det til eit bilete av reinsbukkar på leiting etter friskt vårbeite ved kraftstasjon Tafjord 7, under bygging, i juni 2007. I fylgje sekretær for Reinheimen – Breheimen villreinutval og Statens naturoppsyn i Reinheimen, er villreinen i dag ein god del meir sky enn den var i 2007. Det er dessutan ein kjent sak at bukkane (særlig om våren) kan oppfattes som mindre sky og skvetne enn simlane. Dei siste åra har villreinen i større del tatt i bruk dei nordvestlege område i villreinområdet. Med tanke på klimaendringar kan dette området bli meir verdifullt for villrein i framtida.

Styret meiner at konsekvensutgreiinga frå Rådgivende Biologer AS (2018) legg til grunn eit for avgrensa influensområde for villrein. Vurderingane tek i for liten grad omsyn til indirekte effektar som forstyrring, arealunngåing og endra arealbruk.

Nasjonalparkstyret ønskjer å minne om dei nasjonale måla for villreinforvaltninga, der ein legg opp til ei heilskapleg og restriktiv arealforvaltning i villreinområdet. Dette inneber ein høg terskel for nye inngrep i villreinens leveområde, jf. Innst. 374 S (2023–2024), Meld. St. 18 (2023–2024) og kvalitetsnorma for villrein (forskrift 23. juni 2020 nr. 1298).

Styret oppfordrar NVE til å leggje vekt på både direkte og indirekte effektar av tiltaket, samt den samla belastninga på villreinområdet i si vurdering.